




1052

Bosnia and Herzegovina  
Federation of Bosnia and Herzegovina  
CANTON SARAJEVO  
Ministry of Internal Affairs

Broj: 01-7-02-2-1360/21  
Sarajevo, 23.03.2021. godine



SKUPŠTINA KANTONA SARAJEVO  
n/r predsjedavajućeg Skupštine


**PREDMET:** Odgovor na zastupničko pitanje zastupnice Jasmine Bišćević - Tokić, dostavlja se;

**VEZA:** Vaš akt broj: 01-04-6550-38/21 od 04.03.2021. godine.

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 33. radnoj sjednici Skupštine Kantona Sarajevo održanoj dana 03.03.2021. godine uputila zastupnica Jasmina Bišćević - Tokić.

**Prilog:**

1. Akt broj: 02/1-44/21 od 19.03.2021. godine,
2. CD x1.



**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICLJE  
SARAJEVO

Broj: 02/1- 44 /21

Dana: 19.03.2021. godine

**MINISTARSTVO UNUTRAŠNJIH POSLOVA KANTONA SARAJEVO**  
n/r ministra

**PREDMET: Zastupničko pitanje, odgovor, dostavlja se.-**

**VEZA: Vaš akt broj 01-7-02-2-1360/21 od 11.03.2021. godine**

U vezi Vašeg akta broj i datum veze, odnosno zastupničkog pitanja Zastupnice u Skupštini Kantona Sarajevo Jasmine Bišević-Tokić, navodimo da je u periodu od **01.01. do 28.02.2021. godine**, Trećoj policijskoj upravi, kojoj je u mjesnoj nadležnosti područje općine Novo Sarajevo, prijavljeno ukupno **58** krivičnih djela, od kojih je rasvijetljeno **16** krivičnih djela, dok je protiv **18** lica podnesen Izvještaj o počinjenim krivičnim djelima nadležnom Kantonalnom tužilaštvu Kantona Sarajevo, na dalje postupanje.

U tabelarnom pregledu, prikazani su podaci po krivičnim djelima, ukupnom broju prijavljenih krivičnih djela, ukupnom broju rasvijetljenih krivičnih djela, ukupnom broju prijavljenih lica kao počinitelja krivičnog djela i ukupan broj od prijavljenih lica, povratnika u činjenju krivičnih djela.

Krivično djelo	Ukupan broj prijavljenih krivičnih djela	Ukupan broj rasvijetljenih krivičnih djela	Ukupan broj prijavljenih lica kao počinitelja krivičnog djela	Ukupan broj povratnika u činjenju krivičnih djela od ukupnog broja prijavljenih lica
Razbojništvo iz člana 289. KZ F BiH	24	8 (33,3 %)	9	5 (55,55 %)
Teška krađa na naročito opasan ili drzak način iz člana 287. stav (1) tačka b) KZ F BiH	10	3 (30 %)	4	1 (25 %)
Krađa iz člana 286. stav (1) KZ F BiH	24	5 (20,8 %)	5	0
Razbojnička krađa iz člana 288. KZ F BiH	0	0	0	0
<b>Ukupno</b>	<b>58</b>	<b>16 (27,58 %)</b>	<b>18</b>	<b>6 (33,33 %)</b>

U vezi sa tabelarnim prikazom, posebno ističemo da su policijski službenici Treće policijske uprave planski preduzimali mjere i radnje po prethodno donesenom Operativnom planu Uprave policije Ministarstva unutrašnjih poslova Kantona Sarajevo, kao i Operativnom planu Treće policijske uprave, kojim su planirane aktivnosti pojačanog prisustva policijskih službenika na terenu s ciljem preventivnog

djelovanja u cilju sprečavanja činjenja navedenih krivičnih djela, ali i otkrivanja počinitelaca istih iz prethodnog perioda.

Od posebnog značaja su aktivnosti policijskih službenika Treće policijske uprave od 20.02.2021. godine kada su lišeni slobode lica A.B. i A.Č. zbog postojanja osnova sumnje da su počinili 4 krivična djela iz člana 287. i 289. Krivičnog zakona Federacije BiH, te aktivnosti od 10.03.2021. godine na rasvjetljavanju krivičnog djela razbojništva u pokušaju, kojom prilikom su lišena slobode dva lica, državljanina Maroka.

U skladu sa raspoloživim materijalno-tehničkim i kadrovskim kapacitetima, policijski službenici Treće policijske uprave svakodnevno preduzimaju kriminalističko-taktičke i operativno-tehničke mjere i radnje usmjerene na sprečavanje, otkrivanje i pronalazak počinitelaca ovih, ali i drugih krivičnih djela koja su u ranijem periodu prijavljena, ali nisu rasvijetljena, te su svakodnevno u komunikaciji sa nadležnim Kantonalnim tužilaštvom Kantona Sarajevo i postupaju prema uputama tužilaca u svakom konkretnom slučaju.

Intenzivni rad i nesebično zalaganje policijskih službenika Treće policijske uprave, imalo je za rezultat da u periodu od 27.02. do 06.03.2021. godine, nije bilo prijavljenih krivičnih djela iz člana 287., 288. i 289. Krivičnog zakona Federacije BiH.

Posebno želimo da naglasimo postupanje policijskih službenika Treće policijske uprave na svakodnevnom vršenju kontrole poštivanja izrečenih zaštitnih mjera prema licima kojim su izrečene zaštitne mjere samoizolacije od strane nadležnog organa u vezi sa sprečavanjem širenja infekcije korona virusa COVID-19, zbog čega su policijski službenici pored redovnih poslova i zadataka, na terenu morali obavljati i dodatne poslove i zadatke što ih dodatno opterećuje u njihovoj efikasnosti i uspješnom obavljanju poslova i zadataka. Tom prilikom izvršeno je 10624 obilazaka i izvršenih kontrola lica na adresama prebivališta.

Tokom obavljanja mjera pojačane kontrole lica u zatvorenim prostorima, kao i na otvorenom prostoru policijski službenici Treće policijske uprave su upozoravali građane zatečene bez propisno nošenih zaštitnih maski za lice (preko nosa i usta), a zbog nepoštivanja naloženih mjera od strane Kriznog štaba Ministarstva zdravstva Kantona Sarajevo, prekršiocima istih je izdato 15 prekršajnih naloga u mjesecu januaru 2021. godine, ali nakon donošenja Odluke Ustavnog suda, sankcionisanje po ovom osnovu, obustavljeno je od strane policijskih službenika.

Takođe, napominjemo da je zbog infekcije korona virusom COVID-19, drugih zdravstvenih problema i drugih razloga odsustvovanja sa posla, u prosjeku dnevno nedostajalo po 40 policijskih službenika Treće policijske uprave.

Popunjenost policijskih službenika u Trećoj policijskoj upravi u odnosu na ukupan broj predviđen Pravilnikom o unutrašnjoj organizaciji Ministarstva unutrašnjih poslova Kantona Sarajevo, je manja za ukupno 23 policijska službenika.

Dnevna angažovanost na poslovima i zadacima policijskih službenika Treće policijske uprave u u vezi sa migrantima u prosjeku po danu u ovom periodu je bio 16 policijskih službenika.

Pored naprijed navedenih aktivnosti policijski službenici Treće policijske uprave su po raznim osnovama intervenisali ukupno 2689 puta, što je evidentirano u knjigu dnevnih događaja (KDD) koja se vodi u PS Novo Sarajevo Treće policijske uprave. To znači da su se preduzimale mjere i radnje od


strane policijskih službenika i po drugim oblastima iz kriminaliteta, saobraćaja, javnog reda i mira i drugih poslova i zadataka.

Posebno naglašavamo da su u periodu od 10.02. do 28.02.2021. godine, policijski službenici Treće policijske uprave svakog radnog dana vršili osiguranje protesta radnika Agencije za privatizaciju, koji su se održavali u ulici Hamdije Čemerlića do broja 2.

Sve ove okolnosti koje smo opisali bitno utiču na efikasnost rada policijskih službenika na području nadležnosti Treće policijske uprave, te uprkos ovim činjenicama možemo da zaključimo da činimo sve što smo u mogućnosti u odnosu na broj policijskih službenika kojim raspolažemo, kako bi stanje sigurnosti na ovom području održavali na relativno visokom i zadovoljavajućem nivou.

Posebno želimo da naglasimo da svako neprofesionalno i nezakonito postupanje policijskih službenika, provjeravamo i u skladu sa utvrđenim činjenicama postupamo u skladu sa zakonom.

S poštovanjem,

**POLICIJSKI KOMESAR**  
**Generalni inspektor policije**  
**Nusret Selimović**